



Universitätsbibliothek Paderborn

**Rvperti Abbatis Monasterii Tuitiensis, ordinis sancti
Benedicti, Theologi antiqui ac plane clarissimi, in Cantica
Canticorum de incarnatione Domini commentario[rum],
libri VII**

Rupertus <Tuitensis>

[Köln], 1527

VD16 B 3703

Sequitur: Quam pulchra es amica mea, quam pulchra es: Oculi tui
colu[m]barum, absque eo quod intrinsecus latet. Capilli tui sicut greges
caprarum, quæ ascenderunt de mo[n]te Galaad. Dentes tui, sicut ...

urn:nbn:de:hbz:466:1-34445

RVP. IN CANTI CAN. CAP. III
solummodo in præsepio considerare, sed egressi-
mini mente ex isto, in quo natuſ est, diuertoſio:
& ex illo, in quo iudicatus eſt, Pilati prætorio ſi-
ue auditorio: & uidete eum in præſepio ſimul
& in diademate, in cruce ſimul & in ea qua co-
ronauit eum deus pater gloria et honore. Et quis
fructus uisionis eius? Ille nimirum, qui in pro-
pheta promittitur, regem in decore ſuo uidebit
oculi eius. Qui enim hic, ubi ambulamus per fi-
dem & nondum per ſpeciem, uiderit & uidere
uoluerit per ſpeculum & in ænigmate regē Sal-
omonem, in tali diademate: uidebit eundem in
decore ſuo regem, uidebit eum facie ad faciem,
quando, ueniente eo quod perfectum eſt, euacu-
atum fuerit quod ex parte eſt.

1. Cor. 15.

CA. IIII.

Sequitur:

¶ Quām pulchra eſt amica mea, quām pul-
chra eſt. Oculi tui colubarum, absque eo
quod intrinſecus latet. Capilli tui ſicut
greges caprarum, quæ ascenderunt de mó-
te Galaad. Dentes tui, ſicut greges tonsa-
rum, quæ ascenderunt de lauacro: omnes
gemellis fetibus, & ſterilis nō eſt inter e-
as. Sicut uitta coccinea labia tua, & elo-
quium tuū dulce. Sicut fragmen malí pu-
nici, ita genae tuæ, absque eo quod intrinſe-
cus latet. Sicut turris David collum tuū,

COMMEOTARIO. LIB. .III. 46
quæ ædificata est cū propugnaculis. Mil-
le clypei pendet ex ea, omnis armatura for-
tium. Duo ubera tua, sicut hinnuli capreæ
gemelli, qui pascuntur in lilijs, donec aspi-
ret dies, & inclinentur umbræ.

O pulchritudo admirabilis, quam sic admira-
tur & collaudat pulcherrimus author ipse pul-
chritudinis septem præconijs. Considerauit o-
culos, capillos, dentes, labia, genas, collum, &
ubera, & pro singulis dilectus singula decanta-
uit dignæ collaudationis capitula. Audiant hæc
pueri, & sic se habeant ad cantationem huius-
modi, sicut filij nuptiarum læti, & iocundi, lon-
ge dissimiles illis, quibus ipse quodam loco di-
cit: Cantauimus uobis, & non saltastis, id est,
monstrauimus uobis ea quibus delectatur deus
& ad illa uosmet ipsos aptare neglexistis.

Quid enim septem isti modulis decanta-
tur? Quid in te, o dilectissima dilectorum, uir-
go uirginum, laudatur a dilecto laudabili, quæ
laudat omnis chorus angelorum? Laudatur
simplicitas, munditia, innocentia, doctrina, ue-
recundia, humilitas, mentis & carnis integritas,
sive incorrupta uirginitas. In oculis simplici-
tas, in capillis cogitationum tuarum munditia,
in dentibus innocentia, in labijs doctrina, in ge-
nis uerecundia, in collo humilitas, in uberi-
bus tuis admiranda & spectabilis est cum fœ-
cunditate uirginitas. Simplicitas tua, pru-

Math. II.

RVP. IN CAN.CANT. CAP.III

dentia tua est: munditia tua, supernore desiderium est: innocentia tua, religiositas est: humilitas tua, uera contra diabolum fortitudo est: uirginitas tua, matrum siue matronarum decus est. Hi sunt dulces moduli musicæ coelestis, quos libenter audimus & intelligimus in uerbis istis iam diligentius pertractandis: Primum hoc est pulchritudine prædicamentum.

COculi tui columbari, absq; eo quod intrinsecus latet.

COculi columbari & oculi coruorum, hoc differunt: quo dulcedo simpliciter diligentius, & multiplex amaritudo inuidentium. **S**implicitas columbari septem habet insignia uirtutum naturalium. Haec namq; atticula, primu sine felle est, deinde nihil uiuum comedit, pullos alienos nutrit, grana semper candidiora colligit, in petris nidificat, gemitum pro cantu habet, libenter iuxta fluenta residet, ut uenientem accipitrem ex umbra præcognitum effugiat perniciter. **T**u maxime, o misericordiae mater, sine felle es: nihil enim unquam habuisti inuidiae, nihil odii, quod familiare est rapacibus coruis. Nihil uiuum columba comedit, & tu longe ab illis es, de quibus scriptum est, qui deuorant plebem meam sicut escam panis. Pullos alienos columba nutrit, & nos qui eramus alieni secundum carnem agehere tuo, ecce uiuimus tuis meritis. Grana candidiora columba colligit, & tu cōferens in corde tuo testimonia de scripturis, creditum tibi cōseruabas secretum dei. Columba in petris nidificat, & tu in solitudine fidei permanes, eusisti

Septē proprietates columbarum.

Quo Maria sicut columba

Lucæ. 2